

**Datum:** 13.02. 2022.

**Broj:** 02-06-1019

## **TI BIH TRAŽIO OD MINISTARSTVA BEZBJEDNOSTI BIH DA SE OČITUJE DA LI JE ŽARKO LAKETA PROŠAO BEZBJEDNOSNE PROVJERE PRILIKOM IMENOVANJA**

**Banja Luka, 13. februar 2023. godine** – Transparency International u BiH zatražio je od Ministarstva bezbjednosti Bosne i Hercegovine i pripadajućeg Inspektorata informacije o imenovanju novog direktora Službe za poslove sa strancima Žarka Laketa koji, prema medijskim navodima, nije prošao bezbednosne provjere i nema potrebno radno iskustvo za obavljanje ove funkcije.

Ministarstvo, a ni drugi predstavnici Vijeća ministara, do danas nisu demantovali navode da ih je Inspektorat prije imenovanja obavijestio o tome da Laketa ne ispunjava uslove, jer iza sebe ima pravosnažnu presudu za krivično djelo, ne posjeduje dozvolu za pristup tajnim podacima sa oznakom "vrlo tajno" i nema najmanje tri godine iskustva na poslovima vezanima za kretanje i boravak stranaca.

Kako je sporno imenovanje ipak izvršeno na posljednjoj sjednici Vijeća ministara, TI BiH je zatražio očitovanje ovih institucija jer je nedopustiva praksa da osobe koje potencijalno ne ispunjavaju uslove budu na čelu agencija za provođenje zakona. Ukoliko se ispostavi da je Vijeće ministara ignorisalo upozorenja i stavove zvaničnih institucija i uprkos tome izvršilo nezakonito imenovanje, postoje indicije da su odgovorni ovakvim potezom počinili i djela koja ulaze u sferu krivične odgovornosti.

Poseban problem je što novi sastav Vijeća ministara, osim što nastavlja praksu javne stranačke raspodjele pozicija u institucijama koje bi trebale biti nezavisne, u novi mandat ulazi sa nizom spornih odluka i imenovanja bez provođenja zakonom propisanih procedura, čime se ponovo građanima šalje poruka da su institucije države plijen političkih partija i interesnih grupa i njihovih međusobnih dogovora.